

盩  
山  
志



益山志卷八

藝文下

初發石頭城

謝靈運

白圭尚可磨斯言易為緇雖抱中孚爻猶勞貝錦詩寸  
 心若不亮微命察如絲日月垂光景成貸遂兼茲出宿  
 薄京畿再與朋知辭故山日已遠風波豈還時迢迢萬  
 里帆茫茫終何之遊當羅浮行息必廬霍期越海凌三  
 山遊湘歷九嶷欽聖若旦暮懷賢亦淒其皎皎明發心  
 益山志

卷八

藝文下

一

不為歲寒欺

還都至三山望石頭城

鮑照

泉源安首流川未澄遠波光被水族曉氣歇林阿兩  
 江皎平迴三山鬱駢羅南帆望越嶠北榜指齊河關局  
 繞天邑襟帶抱京華長城非壑險峻岨似荆芽攢樓貫  
 白日擠堞隱丹霞征夫喜觀國遊子遲見家流連入京  
 引躑躅望鄉歌彌前歎景促逾近勅路多偕萃猶若茲  
 弘易將謂何

和蕭中庶石頭

謝朓

九河亘積咀三嶮鬱旁眺皇州總地德回江款巖微井  
幹旄蒼林雲叢蔽層嶠川霞旦上薄山光晚餘照翔集  
亂歸飛虹蜺紛引曜君子奉神畧瞰迴馮重峭彈冠已  
籍甚升車益其妙功存漢冊書榮並周庭燎汲疾移偃  
息董園倚談笑麾旆一悠悠謙姿光且劭讌嘉多暇日  
興文起淵調曰余廁鱗羽減景從漁釣澤渥資投分逢  
迎典待詔詠沼邈含毫專城空坐嘯徒慙皇鑒揆終延  
曲士諄方追隱淪訣偶解金丹要若偶巫咸招帝閭良  
可叫

盜山志

卷八

藝文下

二

將發石頭登烽火樓

謝朓

徘徊戀京邑躑躅躡層阿陵高遲關近眺迴風雲多荆  
吳阻上岫江海含瀾波歸飛無羽翼其如離別何

侍始安王石頭

江淹

緒官承盛世逢恩侍英王結劍從深景撫袖逐曾光暮  
情鬱無已流望在川陽平原忽超遠參差見南湘何如  
塞北陰雲鴻盡來翔攬鏡照愁色徒坐隱憂方山中如  
未夕無使桂葉傷

自江州還入石頭

劉峻

鼓柁浮大川延睇洛城觀洛城何鬱鬱杳與雲霄半前  
望蒼龍門斜瞻白鶴館槐垂御溝道柳綴金隄岸迅馬  
晨風趨輕輿流水散高歌梁塵下絙瑟荆禽亂我思江  
海遊曾無朝市玩忽寄靈臺宿空軫及闕歎仲子入南  
楚伯鸞出東漢何能棲樹枝取斃王孫彈

登石頭城

何遜

關城乃形勢城險差非一馬嶺逐紆回犬牙傍隆窳百  
雉極襟帶億庾兼量出至理歸無爲善守竟何恤眺聽  
窮耳目遠近備幽悉擾擾見行人暉暉視落日連櫓入  
盃山志

卷八

藝文下

三

迴浦飛蓋交長術天暮遠山青潮去遙沙出薄官惡師  
表屬辭慙愈疾願乘殼棘牛還隱蒙籠室

石頭荅庾郎丹

何遜

高樹蔭樓密細草綠成被黃鸝隱葉飛蛺蝶縈空戲陰  
岑自爾悅寂寥予罕寄相如阻禁闈何由從簡易

候使登石頭驛樓作

張九齡

山檻馮南望川途渺北流遠林天翠合前浦日光浮萬  
井緣津渚千艘咽渡頭漁商多末事耕稼少良疇自守  
陳蕃榻嘗登王粲樓徒然騁目處豈是獲心遊溷跡雖

愚谷求名異盜邱息陰芳木所空復越鄉憂

蒼裴侍御先行至石頭驛以書見招期月滿汎洞

庭

李白

君至石頭驛寄書黃鶴樓開緘識遠志速此南行舟風  
水無定準湍波或滯留憶昨新月生西簷若瓊鉤今來  
何所似破鏡懸新秋恨不三五明平湖汎澄流此懽竟  
莫遂枉殺王子猷巴陵定近遠持贈解人憂

石頭城

劉禹錫

山圍故國周遭在潮打空城寂寞同淮水東邊舊時月

蓋山志

卷八

藝文下

四

夜深還過女牆來

石頭城寺

張祜

山勢抱烟光重門突兀旁連簷金像閣半壁石龕廊碧  
樹萊高頂清池占下方徒悲宦遊意盡日老僧房

春日登上元石頭故城

羅隱

萬里傷心極目春東南王氣只逡巡野花相笑落滿地  
山鳥自驚啼傍人漫道城池須險阻可知豪傑亦埃塵  
太平寺主惟輕薄卻把三公與賊臣

石城懷古

劉洞

石城古渡頭一望思悠悠幾許六朝事不禁江水流

翠微亭

林逋

亭在江干寺清涼更翠微秋階響松子雨壁上苔衣絕境長難得浮生不擬歸旅懷何處是西崦又斜暉

送黃吉父入京題清涼寺壁

王安石

薰風洲渚薺花繁看上征鞍立寺門投老難堪與公別倚岡從此望同轅

清涼寺白雲菴

王安石

菴雲作頂峭無鄰水月爲襟靜稱身木落岡巒因自獻

盩山志

卷八

藝文下

五

水歸洲渚得橫陳

贈清涼寺和長老

蘇軾

代北初辭沒馬塵江南來見臥雲人問禪不契前三語施佛空留丈六身老去山林徒夢想雨餘鐘鼓更清新會須一洗黃茆瘴未用深藏白氎巾

又贈

蘇軾

過淮入洛地多塵舉扇西風欲污人但怪雲山不改色豈知江月解分身安心有道年顏少遇物無情句法新送我長蘆舟一葉笑看雪浪滿衣巾

石頭城懷古

建康志金陵懷古四首之一

李綱

六代興亾江上城倦遊還向此中行龍蟠虎踞餘形勢  
井廢臺荒閱戰爭雲氣霏霏春雨急煙波渺渺暮潮平  
商人不識前朝恨短笛還爲激烈聲

遊清涼寺

吳可

延步石城塢迢迢去興長野田耕晚雪寒樹倚斜陽載  
酒追狂客論才得漫郎無因遂高蹈時復借僧房

清涼寺

劉克莊

塔廟當年甲一方千層金碧萬緇郎開山佛已成胡鬼

蓋山志

卷八

藝文下

六

住院僧猶說李王遺像有塵龕壞壁斷碑無首立斜陽  
惟應駐馬坡頭月曾見金輿納夜涼

吳大帝廟

劉克莊

露坐空山裏英靈喚不迴久無祠祭主曾作帝王來壤  
壁蟲傷畫殘鑪鼠印灰今人渾忘卻江左是誰開

清涼寺

即李王殿

曾極

秋月春花跡已陳袞龍曾繞夢中身夷門金鼓從天落  
驚起牀頭射麋人

龍洞

曾極

江流遠引背烟嵐平陸何年重舉帆斷岸插天危欲墜  
六朝龍去只空巖

華隱樓

曾極

松聲聽罷且看雲華隱樓中挫鶴頻治國有方難自獻  
祇將本草語時人

訪石城白巖上人

薩都刺

石頭城上去紅葉雨紛紛半日不見路四山都是雲魚  
龍隨水上鐘磬隔江聞遙憶南莊叟天寒補衲裙

偕趙逢吉避暑石頭城日暮余歸逢吉留宿山中

蓋山志

卷八 藝文下

七

次日寄逢吉并長老白巖

薩都刺

竹下一僧坐城頭獨客還星河下平地風露滿空山犬  
吠松林外鑿明石壁閒故人借禪榻心共白雲閒

九日登石頭城

薩都刺

九日吟鞭聚石頭翠微高處倚晴秋西風不定雁初度  
落木無邊江自流兩眼欲窮天地觀一杯深護古今愁  
烏臺賓主黃華宴未必龍山是勝遊

清涼山

朱之蕃

幾度探奇歷翠微四山環列錦屏圍吟風喬木渾忘暑



浴日晴江正落暉殿址久湮滋徑薜齋廚新供採山薇  
觀空自識清涼意一片閒雲伴鶴飛

烏龍潭山亭同沈翁生

吳應箕

涼風起庭際延步入山隅窈窕竹林深松籟與之俱空  
亭瞰潭影幽森生江湖人烟蔽水曲荷花傾日晡市塵  
紛以擾樂此觴行紆嗟我二三子遊處欣印須俯仰寄  
杯酒永日宣脚躡

清明前一日登清涼寺臺

吳應箕

有客幽棲古剎旁春風極目盡蒼茫許多樹杪人家出  
蓋山志

卷八 藝文下

八

不盡江流衣帶長人靜可知忘節序臺空若爲寄悲涼  
干戈擾攘何時息指點淮南古戰場

烏龍潭竹枝詞

丁雄飛

一匝潭邊三里多儂家亭館綠陰窩三更鐙火寂如許  
猶有書聲出薜蘿

主人世事盡情刪慣在黃鸝白鷺閒日出呼童理香茗  
殘鐙猶戀杏花灣

徧地藤蘿罩短牆行行徑徑可徜徉閒從有叟堂前過  
飽飫清芬道味長

釣竿收起倚書牀春草灘邊小閣涼  
鷺去鷺鷥波萬疊浣衣帶有芰荷香

清涼山

吳綺

布衲烏巾集勝流登高層折共尋秋  
半江落日千帆亂六代荒烟一壑收  
紅葉有聲鐘出寺白蘋無浪水移洲  
凄然數盡飛鴻影故壘蕭蕭指石頭

金陵寺看花

余懷

亂山合沓路全迷岸柳牆花翠葉低  
竹外斜陽天外月照人分手石城西

蓋山志

卷八

藝文下

九

一拂祠

熊賜履

荆國當權日誰能上殿爭萬言規執政  
一拂見生平寢廟凌雲古松楓帶雪清流  
亾圖不盡遺恨尙吞聲

清涼寺

王士禎

朝日出浦口遙見清涼寺深竹不逢人  
經聲在空翠

烏龍潭

王士禎

杖策陵岑椒空潭暫遊目四山積空翠  
一水沈寒淥秋色淡楊柳映波如膏沐  
輕颺悴蒨萑散作迴塘綠潭南多隱居  
茅茨帶水木杲恩吹落花蠨蛸網新竹  
雲景翳

林園鐘磬闕幽獨平生長城市蓬藿思空谷儻遂一邱  
心詎羨八州督

石頭城早發

王士禛

曉雲飛不定又過石頭城林杪連檣影江城雜雨聲醉  
醒吾自領甘苦向誰傾漸遠家山路茫茫莫問程

謁先忠貞祠

卓爾堪

妙絕移藩策其如不見收坐看飛燕至肯與喚豬謀  
胡廣事見明史王良傳 識踞齊黃上忠還鐵練侔雲祢思世德蘋

藻薦春秋

蓋山志

卷八

藝文下

十

虎踞關二首之一

程廷祚

山村密密覆茅簷屋角花枝過雨添最是春風留客地  
夕陽高下見青帘

石頭城懷古

阮葵生

萬壘青山抱石城龍蟠虎踞舊神京樓臺半屬南朝寺  
軍壘全消北府兵閣閉臨春終有恨歌殘玉樹已無聲  
繁華莫問當年事燕子飛飛空復情

隨園二十四詠

袁枚

小人有老母倉山多白雲奉母居山中板輿常欣欣看

花與山共採藥與山分

倉山雲舍

聚書如聚穀倉儲苦不足爲藏萬古人多造三閒屋書

問藏書者幾時君盡讀

書倉

不見古人面須見古人手廣搜金石文歐趙所未有何

物爲之鄰璜琬尊罍

金石藏

秋齋號小眠空廊無響屨讀倦偶枕書書痕印滿頰不

知窗外花飛過幾蝴蝶

小眠齋

朝陽曜高閣萬綠一齊曉虛窗聚景多宿雲出簷早翠

微西山低白塔東城小

綠曉閣

蓋山志

卷八

藝文下

七

宅西顏柳谷義取尙書詞未必康成識差免虞翻譏春

痕搖水痕滿池如漚絲

柳谷

梅花雜玉蘭排列西南峯素女三千人亂笑含春風我

記相別時瑤臺雪萬重

羣玉山頭

盧仝所思客乃命竹竿請何由知非僕長教此君等美

人來不來立斷風鬢影

竹請客

銀杏四十圍葉落瓦無縫主持小倉山惟吾與汝共更

借崖上蔭招宿丹山鳳

因樹爲屋

我取西子湖移在金陵看時將雙鏡白寫出羣花寒前

湖鏡荷葉後湖多釣竿

雙湖

種柏成一林屈折爲庭宇奚須文杏梁已遮碧瓦雨翠

禽居之安日坐亭中語

柏亭

到公有奇石曾向華林補千年幽人得風月一齊古當

作石交看摩挲日三五

奇石

不放流水流清池嫌太滿常放流水流新荷尙嫌短建

閒唱回波勸水行緩緩

回波閣

山頭峯百層山下泉一尺葉落水面青月落水光白此

水淡無言泠泠終日碧

澄碧泉

盍山志

卷八

藝文下

七

萬事不嫌小但問能成家我有一閒屋公然類棲霞絕

壁屋前山天香屋後花

小棲霞

築臺望雲物雕闕盡南向天空星可摘木落山獻狀露

葉如水明前峯新月上

南臺

玻璃代窗紙門戶生虛空招月獨辭露見雪不受風平

生置心處在水精域中

水精域

白鶴欲過湖照水不得路十月輿梁成羽客含蘆渡新

霜鋪玉勻何人試初步

渡鶴橋

不負一池水招招學舟子君覺歌口香知在藕花裏畫

橈莫蕩公水動鴛鴦起

汎杭

佛家有香界旃檀焚諸天我家有香界幽蘭種溪邊能

聞而知之鼻在耳目先

香界

盤意取屈曲旋轉無定區我意亦做此乃築蝸牛廬紆

行勿直行公等來徐徐

盤之中

王母宴瑤池蟠桃開似海酒罷落花飛散作諸天彩造

物居其閒紅顏長不改

嫌山紅雪

琉璃付染人割取青雲片終朝非采藍彷彿天光現容

來笑且驚都成盧杞面

蔚藍天

益山志

卷八

藝文下

三

避暑如避客一室陰悄悄高梧拒日多曲澗引風早熱

中人偶來也覺此閒好

涼室

遊隨園題壁

趙翼

名園欲訪屢愆期到及梅花正滿枝惟恐長爲門外漢

特來親賦畫中詩林亭曲折文人筆牆壁淋漓幼婦詞

名滿九州身一壑輞川莊遂屬王維

結構憑何粉本摹危闕絕磴路紆紆峯迴巧作東西嶮

水複流爲裏外湖喬木十圍人共老名山一席客爭趨

問渠何福能消受四十年來住畫圖

掃葉樓

姚 鼎

碧雲垂下大江流，坐倚江城古石頭。  
丹嶂欲平猶作嶽，青楓未落已成秋。  
三山夕照新林渚，萬里西風掃葉樓。  
虎踞地形猶在眼，清涼深院發鳴虬。

隱仙菴雙桂相傳元時植，秋時花開極盛攜客及。  
幼子師古觀之因賦

姚 鼎

鍾離真主渡江前，雙桂蟠枝已刺天。  
南國市朝非曩日，西風闌檻又經年。  
黃金萬藥香浮閣，白雪千莖冷覆肩。  
零落滿階君勿歎，吾生那得較花堅。

盜山志

卷八

藝文下

西

偕袁簡齋前輩登清涼山

蔣士銓

文字無靈粉黛空，銷魂延伫石城東。  
三春花鳥多陳跡，六代江山兩寓公。  
載酒船依宮樹綠，踏青人愛畫樓紅。  
秦中雒下蒼涼極，古帝王州大抵同。

掃葉樓

蔣士銓

落葉掃不盡，幾年存此樓。  
天空羣木老，寺古一山秋。  
壁壘移江渚，功名指石頭。  
輸他塵外客，縛帚坐林陬。

隱仙菴聽鶴籬道士彈琴並讀龔鑿戍

友題壁諸

詩有感二首

蔣士銓

雲房蕭瑟石壇閒有客尋幽扣竹關丹竈火温茶正熟  
羽衣人去鶴難還神仙已化絲桐在竺道弟子能詩操  
纓爛徙倚中庭雙桂樹古音盈耳借舒顏

壁上書留舊墨痕故人消息共誰論家饒田宅爲身累  
士解悲歌是病根天與高才知不死詩多奇氣定長存  
無因買屋居陽羨爲爾親調藥鼎温

烏龍潭訪汪氏廢園

蔣士銓

風潭百頃木千章一丈荷花十頃香天入夏時無暑到  
水當深處有龍藏荒園老屋人堪隱好友東華語最詳

盜山志

卷八 藝文下

五

謂龔鑿  
戍仲子

豈料探尋成瓦礫兩年中已換滄桑

雨過隨園值主人北上

程晉芳

清華水木抱幽居曾記題襟漬墨餘野鶴不禁深夜怨  
青鐙猶照滿樓書半巖香散寒梅折別岸鐘鳴暮雨疎  
遠出豈應同小草故山回首意何如

乙巳冬過隨園奉訪簡齋前輩

吳錫麒

瀟灑名園最清涼一徑通門開黃葉裏塔倚夕陽中泉  
石娛仙眷文章重寓公笑談春滿座未要下簾櫳

如此遂初早於今四十年青山看六代白髮領羣賢業



以千秋重棋爭一着先愧余西笑客相對轉茫然

初夏題清涼寺壁

陳毅

亭午孤行覺路長  
棟花如雪寺門旁  
空山盡日無人到  
一徑微風萬綠香

吳大帝廟

吳文溥

殿角響琅璫  
松陰入畫廊  
神鴉寒觸火  
石馬夜窺霜  
山色金陵在  
江流玉殿荒  
飛揚懷古意  
烟月墮茫茫

石頭城

方正澍

秋江渺渺晚初晴  
蘋葉蘋花兩岸明  
遠水不知何地盡  
蓋山志

卷八 藝文下

五

遙峯如僅與城平  
貼雲孤雁飛無影  
帶雨寒楓落有聲  
我欲臨風叫閭闔  
紫琳宮宇鎖瑤京

秋日過訪隨園前輩有作

四首之一

李因培

松菊歸元亮  
文章妙總持  
山藏千古業  
地數六朝遺  
花館烏皮几  
溪橋白接籬  
因君發幽興  
擬是習家池

過隨園有懷舊遊呈簡齋先生

劉夢芳

憶曾此地得追陪  
勝會生平第一回  
幾部笙歌花世界  
滿山鐙火夜樓臺  
醉看巖壑明如畫  
樂及禽魚靜不猜  
興極還登最高處  
仰攀星斗共徘徊

八月初七日秦司業承業招同座師劉少宰暨戴學使均元張侍講燾茅學士元銘李兵備廷敬許太守兆椿集隱仙菴看桂并聽王樸山道士

彈琴丙夜乃返

洪亮吉

平明欲出門一巷忽飛雨前行及山店雲白穿縷縷衫  
裳半日嵐氣濃不覺已入雲當中雲中道士爭相揖天  
半一亭如斗笠秋林瑟瑟冠蓋集林外馬蹄盤百級樓  
臺旣參差老桂復兩三前身金粟本不凡逸榦四出凌  
松杉花梢稜稜度遠帆花底客並能清談側聞前年枝

益山志

卷八

藝文下

七

化作兩童子倏忽數十年此生彼卽死爲花爲人偶然  
耳遊戲人間乃如此天風吹客不得休忽然招我百尺  
之飛樓樓房盡處繙書坐宿露時從竹梢墮瓊臺貝闕  
驚早寒琴韻雜雨來無端一聲遲同一聲疾百鳥飛集  
紅闌干紅闌干外零星地認是臨春兼結綺五條絃上  
六朝山一夕分明感秋氣天低月黑江怒潮過嶺草木  
聲蕭蕭琴彈一曲續一曲坐使江月復白江天高樸山  
道士翻新譜能令人懽令人苦我願頑仙住世閒眼空  
不復知今古琴聲欲畢滿進觴琴韻復入杯中涼鳴蛩

百種陡然絕飛雨瑟瑟鳴空廊三更歸路誰能見下嶺  
水波明一綫衝泥正欲尋冷城如雨秋螢撲人面

四望山

王友亮

西風四起雁嗷嗷佳節登臨未覺勞斜日自尋江口下  
亂山爭向石頭高漸知落葉妨遊屐且喜寒花有濁醪  
莫倚劉郎佳詠在探珠甲爪亦能豪

蚨蝮二首  
之一

王友亮

片石巍然影碧渠可憐醉魄壅江魚嫉才慣是齊邱事  
蚤向仙人竊化書

益山志

卷八

藝文下

大

金陵岡

王友亮

楚王謀厭勝來此瘞黃金六代雄圖啟千秋寶氣沈幻  
形空虎踞遺蹟任蟬吟莫問岡前路年年草色深

石頭城

王友亮

紫髯建國時南北此衝要峩峩挺堅城兀兀撐絕嶠羣  
峰自後環巨壑當前繞金湯勢並雄戈甲威彌耀連營  
畫舉旌列戍宵縣燎臥龍名不虛踞虎形維肖重圍遂  
相承片語能先料曾傳駐馬坡白羽舒遐眺滄桑小變  
更江遠山猶峭長橋集賈櫓曲岸紛漁爨笳聲起暮煙

堞影留寒照惟宜澹蕩人振策來清嘯

陶隱居故里

王友亮

神仙謫者陶通明身騎青瑀辭玉京天人遠送鑪香擎  
遊戲暫蒙塵土腥睂目疏朗神觥觥讀書萬卷水注餅  
蚤趨東宮侍簪纓飄然棄去鴻毛輕華陽洞中聊鍊形  
蕭公東下齊祚傾屢詔不起逃公卿嶺雲深處堪怡情  
鼎中大藥護六丁方瞳炯炯晝見星三層樓頭吹玉笙  
松風忽動天樂鳴便疑鸞鶴紛相迎丹臺紫府鐫姓名  
惜哉稍後王先生蓬萊爾日當案行不知海水幾淺清

盩山志

卷八

藝文下

九

故鄉無人爲致聲

陶谷

王友亮

屋上嵐光滿堦前樹影斜鳥爭初墮果蜂探半開花漫  
擬愚公谷曾傳處士家可知心遠處城市卽烟霞

過隱仙菴

黃春暉

披榛尋仄徑宛轉入丹房日冷孤松翠秋深老桂黃閒  
雲封劍匣落葉響琴牀換骨嗟無術勞勞鬢欲蒼

金陵印心石屋圖

陶澍

金陵枕石頭博山當其缺遙對天印山鑪煙正篋絕

烏龍潭夜坐

六首之二

魏源

林陰橫滿地夜影忽過牆  
忘卻月已轉翻疑樹易長  
積雨有餘氣老荷終自香  
空林如積水清夜意難忘  
閒到心無用始知幽意生  
萬竿清竹露相併成一聲  
竟日山當戶渾忘身在城  
關山牛馬走何似草蟲情

烏龍潭小汎

魏源

偶載一船山來遊半湖  
月但聞水氣香不見荷花發  
風響一池荷穿香面面  
過直窮荷盡處空水受光多

四望山

陳文述

蓋山志

卷八

藝文下

三

當年忠武屯兵處遺址春深戰後耕  
白石近連李根壘沙門遙指蔡洲營  
千重山色屯雲勢一片江濤戰鼓聲  
今日登高空四望暮鴉飛盡石頭城

翠微亭

陳文述

清涼山色幾芙蓉舊是南唐避暑宮  
玉輦夜遊明月好娥皇舞罷彩雲空  
六朝城郭啼烏外一枕江流鐵笛中  
留得翠微亭子在水天閒話夕陽紅

石頭城弔宋司徒袁粲

陳文述

石頭城上江月明石頭城下江水平  
司徒當日此殉節

疾風勁草垂英名早年讀書立志節風雨如晦歌雞鳴  
狂泉設喻皎冰玉滄洲寄興懷蓬瀛秦豫之元受顧命

一時劉勳褚淵蜚英聲蕭家關將龍虎氣建康威望先

東征一日破賊十二壘桂陽定後功崢嶸蒼梧磨鏃本

猜忌領軍大腹真佳期龍驤赤躍夜入殿髯張目電誰

敢撓敬則躍牀拔刀怒長刀遮客心魂驚昇明雖立亦

齊志篡奪早已萌驕盈司徒此時氣慷慨石頭出鎮無

疆兵新亭矯節欲反正皇輿辛苦扶危領彥節出奔伯

輿死劉彥節走維擔湖為齊武帝所害卜伯興與王敬則共總禁兵亦為敬則所害大厦一木

蓋山志 卷八 藝文下 三

空支撐父作忠臣子孝子策名兩畢抒丹誠陽源昔日

抗凶劭高門奕世皆忠貞遺孤復死狄靈慶鬪場麤狗

皆爭獠當時彥同並受託黃羅重寄尤恩榮西閣拒奔

氣頗正別鶴鼓調神尤清如何往事引魏晉宋臣志欲

為齊卿彥同引魏何曾以魏司徒為晉丞相求為齊官願以鄙心寄公腹狙詐

聊以欺同盟白虹貫日竟亾宋龍顏早識空目瞠秀之

兄弟晉姻戚輸心宋武如娖嫖恭帝亦為褚佛死坐使

火德銷金行乃知逆悖亦家法豈特狡獪非人情名德

不昌乃多壽彥宣讜論橫庚庚宋室忠臣有君在史家

立傳昭定評至今弔古說遺事甯爲榮死毋淵生君不  
見石頭城

青塘弔梁散騎常侍贈護軍將軍韋忠貞公榮

陳文述

温嶠勤王日桓彝赴難辰一門同殉國百戰竟亡身淮  
渚波終古新亭草不春青塘遺壘在弔古更無人

汪文毅公祠

陳文述

話到前朝事艱難愴甲申孤忠偕繼室報國重詞臣碑  
碣風雲護祠堂草木春孝陵雙闕在一爲弔斯人

蓋山志

卷八

藝文下

三

冷朝陽宅

陳文述

金陵舊有詩人宅定在平湖野寺旁處處白門烏榜路  
更無人識冷朝陽

坐餘霞閣贈讓舟上人

吳存義

晚雨垂簾心渺然吟鞵起蹋山坳烟定中樓閣有花氣  
詩裏鉢餅無野禪茶夢離離近寒食春城漠漠浮江天  
我今綺語洗久淨對此重尋文字緣

留別讓舟上人

三首  
之二

吳存義

彌勒龕鐙共歲時間從灰裏撥新詩白頭那有名心在

笑被清涼水石知

三宿定知桑下戀五噫曾聽廡邊歌吟秋莫上餘霞閣  
江影帆痕別恨多

憩隱仙卷

甘煦

流水溪邊寂停雲天外閒花明木樨樹人坐翠微山無  
語得琴趣蒼然對鶴顏隔林露初月才予自來還

明懿文太子妃舍珠歌

有序

蔡琳

咸豐辛亥春遊承慶寺寺方修塔僧出觀鎮塔  
舍珠一串附銅策一長七寸闊三寸上鑄玉貞

益山志

卷八

藝文下

重

賜京都烏龍白塔住持古清澗建文三年九月

二十三日共二十四字據寺僧云相傳爲明懿

文太子妃所舍玉貞蓋其皈依名也攷明史懿

文太子卒於洪武二十五年元妃常開平文先

太子卒繼妃呂氏生建文建文立尊爲皇太后

靖難後稱爲皇嫂懿文太子妃與幼子允熙出

居太子陵未幾允熙亦焚死妃不知所終珠釵

飾無足珍惟建文紀年僅四稔又復削去遺物

頗少藉此以存一代餘迹且總妃之始末有可



感者撰長歌紀之

緜山月冷吹笙急銀河耿耿流雲息碧霞一夕掩金棺  
瑤宮不管花枝泣花枝憔悴斂愁蛾愛水填乾少海波  
蝶幸原殘膏印桂鸞孤忽歎鏡持荷深深金屋葳蕤鎖  
悟徹蘭因兼絮果螺斛羞將翠黛描蟬紗嬾向雲鬟裏  
擬嘗頰勺誓同心擬繪綃容費苦吟招魂難覓青楓殉  
戴孝空餘白柰簪苦藥餐來情愴切曇花散後信銷沈  
曾蒙青帕鬪新妝好奉紅牌慎禮防璇室機聲悲靜夜  
柏舟詩句肅秋霜吉夢幸占龍據腹膝前果見皇孫育

蓋山志

卷八

藝文下

七

荷蘭殿杳罷雲蒸鉤弋門高漸香馥鼎湖弓劍看光頹  
太甲祖桐祚未危紫垣實補前星耀錦髻休嫌半月虧  
母儀自守親纁訓婦言不預垂簾政笑殺安劉待絳侯  
天生雛雉成凶性幾載鴛鴦冷篆煙幾經鶴鶴蘊渺琴絃  
藤枯禾歷塵沙劫花落誰歸切利天南朝舊數仰藍煥  
寶鐸鳴風矗霄漢椒寢遙遙駕蜀斬蓮龕步步瞻華藏  
香鑊影照涕雙垂一串牟尼手持七寶林中拜薝蔔  
三生石上乞楊枝環經峽寺原親獻金爲祇園合布施  
獅座幢幢參護法法名願勒藏經匣未隨鹿女侍華筵

且學鸚娘歌梵夾鳳釵一折便生塵舍此還如竟舍身  
已將陰禮常貽管每奉清齋翼轉輪烽火無端集飛燕  
陳兵特請朝相見猥言椒衍敢稱彊說說桐頒由激變  
慘淡風雲黯九閭金根返後劇銷魂紅輝已爆瓊樓燼  
白骨難尋玉陛尊池水照殘黃鵠影宮花啼徧杜鵑痕  
昔日幸無掘蠱事此時何勞頡羨賜驚心怕聽鼓鞞聲  
回首可憐歌舞地咫尺陵園白露荒松雲蔣阜鬱蒼蒼  
辟邪一徑凋寒色烽火三更疑血光只願托身同薛六  
那憂藉幹缺苓牀繁華如夢彫幃度鐘聲靈谷來何暮  
蓋山志

卷八

藝文下

蓋

猶憶雞園聽講時難忘鹿苑焚香處覺路金繩孰指迷  
香桃鏤骨日含悽翻悔有身傳筆仲未能脫垢伴緇尼  
劫火無辜更蕤蘭漆鐙弔影夜漫漫拋殘寶璽螭全斷  
爛到罌衣臺亦乾天女戶衰金帶折宮人斜古玉鉤寒  
招提有客尋春綠釵朵明璣戟瞻矚庶人錮後歎蠅癡  
老佛歸來憶鶯禿重談恍向鐵圍山鐫名細認茗華玉  
一角雲陰羃鳳臺皇姑遺廟徧蒼苔可憐入手蠟胎細  
不及山茶冒雪開

蓋山

辭時雨

遁跡入茲山倏忽四寒暑萬念寂不生蕭然如太古垣  
頽竹怒穿崖缺雲徐補喜得清涼鄰慣結漁樵侶益鉢  
義可通托此亦有取

惜陰書院新界竹籬雜蒔花木並買菊數百本種

之

辭時雨

冷抱秋心只自知頻年踪跡托東籬閒中別擅繁華勝  
淡極非無絢爛時培養根苗如造士安排楮墨備聯詩  
霜威不逼虛簷下鎮日苔階坐亦宜

中秋夕循清涼山步月

辭時雨

益山志

卷八

藝文下

美

薄醉御涼颺緩步入山麓月出山蔽之疏影動林木須  
臾升中天一色淨如沐清氣通乾坤好景豁心目世人  
喜美滿香花薦芬馥兒女喜團圓醴酒陳濃郁娥意  
自閒廣寒終古獨始知作仙人所得惟清福蟲吟夜轉  
靜草豐徑彌曲下山息吾廬幽興自然足回頭望翠微  
似有孤雲宿

步出虎踞關向園丁買菊

辭時雨

聞道山家菊作田尋秋閒過翠微巔老誇矍鑠羞扶杖  
花最清高卻換錢籬角親分偏喜瘦唱簷斜插不辭顛

歸來棐几殷勤供手擘霜螯作醉筵

九日登清涼山翠微亭用少陵登高韻

辭時雨

長嘯一聲天地哀驚濤東下雁南迴  
九秋風物重陽勝  
六代河山百戰來草盡已無狐兔窟  
雲荒何處鳳凰臺  
登臨多少蒼茫感待吸長江作酒杯

雲巢菴小憩留贈可曾禪師用少陵登高韻

辭時雨

佛火銷沈佛亦哀累年行腳度雲迴  
林邊孤鶴逢蓮熟

盃山志

卷八

藝文下

三

檻外羣山拱揖來斷碣尙題崇正院  
遙嵐平時雨花臺  
結鄰我喜招提近閒訪宗風學渡杯

新年獨遊清涼寺用蘇集贈清涼寺和長老韻留

贈心巖禪師

辭時雨

冰絲消盡路無塵行到峯腰不見人  
世界清涼真覺岸  
老懷空洞悟前身春寒未解梅花瘦  
灰劫纔甦竹樹新  
除卻此山多熱惱莫教紅雨點緇巾

九日澹然禪師招同人集梅檀林卽事有作

辭時雨

鐘阜蜿蜒如蟠龍眾山羅列如附庸登高循例作重九

攀藤捫葛愁衰慵梅檀廢苑近咫尺岡巒平行非巖崑

揣摩腰腳可勉跛導師導我欣然從清晨入寺作眺覽

舊時殿宇荒蒿蓬誅茅穿徑闢斗室結構雖小塵緣空

疏林微缺補近岫閒雲淨埽明遙峯葫蘆長柄挂籬落

閒以霜葉斑斑紅不速之客各先至余與子高  
蔭堂先至有人安

步殊從容可齋步  
行後至倚樓似怯蔬荀氣敬甫先過魯  
脚寓齋小飲花豬

獨飫郇厨豐王楊二傑更濡滯紫卿小酌  
酒闌始至大殿竟爽屠

黎鐘登堂訕笑示薄罰責言各鬪箭機鋒人生俯仰貴

蓋山志 卷八 藝文下 三

率性聖賢真樂狂愚同胸襟浩蕩涵萬象何必矯飾繫

乃躬伊蒲一飯大自在今果似與昔因融更望導師早

飛錫澹然有移錫  
蓋山之意天花墜入鄰牆東

西巖雜詠同趙季梅教授 辭時雨

清涼名勝地空翠鎖郊坰一綫江光白萬家煙火青廢

興更八代六朝為唐人語今台  
南唐前明宜稱八代寂寞此孤亭欲共山僧

話松關入暮局翠微亭

芳草碧無際夕陽紅滿樓地偏僧學圃山靜夏如秋無

復詠觴侶聊借麋鹿遊校書懷往跡彌望綠陰稠埽葉樓

龍嬾作雲雨翻爲魚樂鄉近人鷗鷺狎倚檻菱荷香湖  
小幾同渚隄成畧似塘烏龍潭一名小西湖余新濬而隄之魯公祠不遠  
時一薦椒漿放生池

吾院文章伯前方後有姚惜抱先生西巖同嘯傲賓館久漂

搖我亦棲斯土伊人不可招教忠留舊額門巷莽蕭條

望溪讀書處

迤邐盜山下毗鄰講院旁四松無尺榦丞相有祠堂士

女懷遺愛園林植晚芳此閒宜結夏一徑入清涼四松菴

偶撫黃庭語心閒是上乘卜居人化鶴菴爲江浦丁菴生故居習

盜山志

卷八 藝文下

无

靜院樓僧地以崇祠重沈文肅祠詩還舊典徵菴額見金陵詩徵吾

廬欣有托風雨集吟朋心太平菴

不可居無竹叢篁次第齊小窗新蔭合尺素故人題館額

孫勤西太僕擬吳子健中丞書之不速客常至賞心文自攜寓公十三

載風味飽黃齋碧琅玕館

昔作西湖長湖濱結敝廬最難移白下依舊有西湖位

置參郊島揄揚謝白蘇暮年聊寄傲匪敢棄鄉閭韓廬

金陵辭廬歌

韓弼元

使君四十卽辭職浙中士民留不得至今遺愛在西湖

湖上築廬配蘇白使君設教來金陵金陵士人多頌聲  
傍山依水重卜築肯使西湖獨擅名開門遙對鍾山麓  
門外烏龍潭一曲夏日芙蓉出水紅春風楊柳搖天綠  
使君乘興卽吟詩佳客相從酒滿卮世事紛紛任變幻  
白衣蒼狗吾何知君不見東都伊闕平泉墅翠篠清流  
寂無主可憐將相不歸來遠憶緘題淚如雨君不見香  
山石樓入節灘迂辛短李偕盤桓遺榮不入太牢黨醉  
眠醒起心魂安使君高懷饒勝概布襪青鞋從所愛天  
將年壽補蹉跎身以幽閒得自在京口三山我故鄉欲  
益山志

卷八 藝文下

三

歸未得心傍徨杜陵野老無嚴武誰爲江干作草堂幾  
時從公千萬買晨夕結鄰聊徙倚時向潭邊洗耳來飽  
看青山常不改

寄辭廬主人二首

韓弼元

逐逐酒食場營營名利客擾擾廣陵城寂寂子雲宅素  
琴不成彈挂壁塵土積龍泉久篋藏黯然無顏色孤翼  
難翱翔隻輪將焉適縫掖章甫冠裸國人未識慨然思  
舊遊舊遊難再得

澄澄烏龍潭峩峩駐馬坡有叟廬其中抱膝嘯且歌置

身夷惠閒不激亦不阿昔我居金陵晨夕相經過匪獨  
文字契道義相切磨一自判南北相望渺山河蕭瑟歲  
云暮君子意如何

辟廬十詠

范志熙

吳興昔著三君詠方

密茶之杜村

諸人共令名

見變雅劫後

堂集

園林重補葺愛才今復見先生

寤園

重闢文壇集雅流逍遙嘉客幾延留河汾道統逾千載

共仰斯文接魯鄒

永今堂

竹柏森然講席尊行行桃李屬公門愛蓮愛菊情何限

蓋山志

卷八

藝文下

三

思與推官細討論

冬榮春妍之室

學士登瀛溯李唐翩翩雙鳳集華堂會看雛鳳聲鳴盛

佳話重聞續梓鄉

雙登瀛堂

樓居日日對南屏湖上高峯幾度經此日烏龍潭畔望

馮闌依舊佛頭青

仰山樓

虎踞龍蟠霸業傳摩挲古製剝零甄元戎持贈非無意

節行應知比石堅

吳甄書屋

飽飲清芬代有人桑根一老更精神竹枝詞好當筵唱

坐上都忘白髮新

有叟堂



西巖一角夕陽明  
豔說人閒重晚晴  
尙憶白公隄上路  
畫船簫鼓繫詩情

夕好軒

半灣潭水碧潺潺  
上煙林指益山  
好水好山看不盡

天然圖畫傲荆關

半潭秋水一房山

老子猶龍甘蟄隱  
勞勞塵事漫關心  
慙予白首羈江表

只向書叢作蠹蟬

蟄齋

辭廬十詠

趙彥修

俠客兼詩客  
茅生昔擅場  
譚兵遼海上  
買隱白雲鄉  
舊

迹滄桑改新蹊  
草木香一鐙  
潭上宅遺事  
話高陽

寤園

益山志

卷八

藝文下

三

茅芷生曾參  
孫高陽軍事

溪堂湖老米雪堂  
懷髯蘇辛劬布水  
石勞苦薤榛蕪大

賢勤教育門多問  
字徒廣地崇傑構  
都忘心手痛築軒

臨深潭開門對近  
嶺夫子莞而笑竹  
木弄清影載贄朝

停車持觴夜說餅  
不知冬雪深但覺  
春風永

永今堂

歷冰雪兮節不磷  
被和風兮百卉新  
惟夫子之文翰兮

下筆自具乎冬春

冬藥春妍之室

瀛洲風暖春草長  
兄弟翩然來  
帝鄉闈中下筆錦繡

張一一雷劔冲天  
閭人恩榮宴上飫  
天漿瓊枝連理

齊騰芳歸來堂上拜家慶人說河東雙鳳凰雙登瀛堂

巍巍仰斗山昔駐明湖西移席來江南多士蒙提撕凌

霄百尺樓攀切青雲梯仰山樓

金石縱橫楊子廬壁間遺埴湖東吳當年若使留文字

足抵岡頭皇象書天發神讖碑 舊在段石岡

百丈龍蟠話舊都吳宮花草已模糊武侯近日新祠廟

無復殘碑問赤烏吳甄書屋

山蒼蒼水泱泱功臣湯沐邑君子讀書堂篋有新詩樽

有酒敲門共詣桑根叟有叟堂

益山志

卷八 藝文下

三

杖策眺寒山呼童展琴席風來池上軒雨過長林夕

斜陽度木末蕭灑動詩懷莫說黃昏近朝朝山色佳夕

好軒

沙汀小雨初霽林野白雲自閒架上一編秋水屏閒幾

筆房山半潭秋水一房山 畫 史高克恭字房山

不為龍騰甘為鵬息動則建業靜乃養德齋齋

金陵辭廬歌用東坡石鼓韻 吳寶紉

通籍金門憶癸丑辭廬今謁河東叟高山景仰三十年

軼轍才名不脛走阿兄箸作登玉堂文章膾炙在人口

先生縮綬到杭州循聲足繼龔黃後門前弟子列三千  
胸中雲夢吞八九香雪初種孤山梅春風又活蘇隄柳  
斯時黎庶尙瘡痍烽煙未息聞刁斗大府倚畀比長城  
政若水流無掣肘采風問俗詢芻蕘別弊除姦鋤草莠  
行年四十辭榮名歸隱將尋高士友攀轅臥轍留使君  
如依慈母得哺教結廬曲折仿蝸牛篆壁淋漓蟠蝌蚪  
邇來講席主金陵經師人師重耆耆考碧潭水靜有龍蟠  
白板門閒無犬吠門生爲集草堂資位置圖書安鼎卣  
軒窗恰對武侯祠饗祀鼓鐘集矇矓駐馬坡前草自春

蓋山志

卷八

藝文下

詩

殘碑最負同岫嶮湖從恩乞賀季真溪以愚名柳子厚  
引得遊人日日來到門不問爲誰某我幸同陪北海尊  
斗酒尺魚旨且有上相爲致異域材不數薑萊與栲栳  
藏書但求芸辟蠹餌藥何須杞如狗吳園易主隨園荒  
勝地一時誰與偶白下青山盡繞廬登樓馮眺時昂首  
留賓懽飲不知疲醉聽三更街鼓培莫愁湖與西子湖  
無邊風月馮君取我對澄潭欲洗心靈臺拂拭無塵垢  
相期共結歲寒盟歷盡冰霜堅操守平生小技媿雕蟲  
願托龍門名不朽濡毫爲賦辭廬歌庶同金石千秋壽

辟廬歌

楊晨

山川靈奇異才出江左風流稱第一勝朝文社誇秦淮  
花天月地生顏色後來作者袁隨園主持風雅真賢哲  
畫圖傳誦若神仙當年逸事人爭說桑根夫子詩中豪  
酒後高歌愈奇絕十年林下投華簪桃李紛紛滿兩浙  
偶然湖上留詩龕名與白蘇同一轍東山絲竹時嬰敖  
南國文章更誰敵不教霖雨徧蒼生杖履春風開講席  
小倉山下小西湖水木清華隔塵迹華嚴樓閣彈指成  
詩人合住陳芳國有時高會聯巾裾滿座清言霏玉屑  
盃山志

卷八

藝文下

姜

三百三十有三士韻事千秋足倫匹吁嗟乎隨園去今  
數十載壇坫無人久蕭瑟藝林文字生頽波何幸先生  
操健筆入門我獨媿荒莊撰杖時隨著遊屐詩成倚枕  
聽松風但覺濤聲動四壁

已卯寒食同人清涼山謁一拂清忠祠已飯於四

松菴飯訖復登翠微亭用昌黎寒食出遊韻紀

之

劉壽曾

愁霖十日鶯燕病冶城拋卻花事盛客窗勘書不知春

已見綠陰簾箔映先生呼我城西遊

趙季梅丈

清涼山翠南

屏競四山環抱一拂祠巖壑清風想篇詠監門觥觥烈  
丈夫歲寒氣得松柏正朱雲汲黯嗟已遙卓哉節義公  
能更經局檢討安可羈汀州編管豈非命半山文雅侍  
從良頗惜得君執國柄友生未擬君父恩遭逢苦羨明  
良慶閒從閩客搜遺聞謂陳幼進北部更見溪毛行潦敬載訪  
山南丞相祠竹樹蓊森宇幽篁緬維湘鄉盛遭際

咸豐天子文思聖侃侃議禮鋪丹墀千載血誠與公併  
十年秉鉞龕東南大展生平忠孝性若教老作京朝官  
亦只成就文章橫人代范范感出處偶然評泊談鋒迸  
蓋山志  
卷八 藝文下  
美  
碧桃花下呼行厨池柳垂黃蘸漪鏡觴酌縱橫禮數寬  
小戶蹄涔驚酒政酒酣更陟清涼巔翠微亭外東風勁  
歸來山館和新詩一笑蔬盤禁煙令

辟廬十詠

馮煦

百年一夢幻寤者得其竅且師華下臥莫學蘇門嘯茅  
君儻可逢叢蘿闕靈嶠寤園

東南有碩師高風扇河汾今夕復何夕章縫來斷斷萬  
流歸一治何有矜與羣永今堂

一室闕太古貞元此其會亭亭戰冰雪冉冉謝塵壒華

實兩無心始信乾坤大

冬榮春妍之室

冲舉凌青霞洪崖與浮邱綿綿百世下乘鷲驂玉虬壺

嶠今未遠邈焉懷昔遊

雙登瀛堂

初涿湖上樓三載得棲屑歸雲滯舊京復此荷衣挈山

翠浮修眉娟娟鬪清絕

仰山樓

雲氣上虛壁半蝕倉城甃斑斑土花紫一角浮秋煙摩

挈發深喟不見赤烏年

吳甌書屋

丁令昔棲遁萬卷富鐘卣解聽貞白松學種淵明柳遼

東鶴不歸後起椒陵叟

有叟堂

蓋山志

卷八

藝文下

三

依依東軒下夕霽開煙霏幽草隨意綠暮禽相與飛靜

坐不知暝悠然澹忘機

夕好軒

高閣羣動寂垂簾忘昏曉瑟瑟鳴枯荷蒼蒼下歸鳥幽

人期不來疏鐘出林表

半潭秋水一房山

萬物喪於用靜者韜天倪霖雨澤南宇曾不汨其泥會

此無悶心潛見理則齊

齋齋

辭廬十詠

秦際唐

廿載循良頌忘懷在此園漫將武林守邊等鹿門孫烏

几遺羣動青琴息眾喧翛然流憩處觀化欲無言

寤園

維繫留賢意羣情出至誠雞籠新學舍鶴立舊門生插  
枳疏籬短當階晚卉榮河汾師弟在此樂勝饗纓承今

李桃成蔭處竹柏耐寒心物候有榮悴冲懷無古今青

青留氣暖激激借香斟佳日登臨暇拈髭試一吟久榮

室之

嶽嶽瀛洲侶河東譽久馳文章蘇軾轍科第宋郊祁世

澤兒孫衍儒風婦孺知鼓鐘新考室和氣藹門楣雙登

仰山舒遠眺小住記西湖所至供吟嘯移家又畫圖遙

青隨戶轉空翠隔城鋪北望江千樹藤香憶故廬仰山

盜山志

卷八 藝文下

三

俗好消除盡摩挲此一甄字痕留壁古花氣入窗妍往

蹟搜金石書聲勝管絃英英雛鳳似寶物永流傳吳軾

有叟攤書坐湖山勝故鄉當門楊柳色拂檻芰荷香近

水三分竹叢祠一角牆廿年遊宦迹漸與白鷗忘有叟

十畝開軒地消閒愛夕陽疏鐘遙度水新月乍窺牆歸

岫閒雲嬾看花晚節香曝書知更好兀坐擁繚紉夕好

消受詩人福幽居無俗情泉聲聽艇背山色撲簾旌徑

闢緣岡峭橋支隔浦橫偶然嘉客至杯酒話平生半潭

一房山

天下方多事先生自辟人歲功成者退斗室氣之春賸  
郡噉棋局忘機付釣綸浙西諸父老猶自望車塵

墊齋

道經金陵桑根夫子留宿薛盧敬賦三律

張鳴珂

湖山容易著神仙一角林巒別有天樹木十年饒杞梓  
結廬終日對雲煙春風絳帳談經席涼雨烏篷載酒船  
我是公門舊桃李何當相伴老斜川

解組匆匆十八秋翦鐙約畧說杭州因緣文字仍沾丐  
歸興蒹鱸決去留賣硯買山新活計謝逋招隱古風流

蓋山志

卷八 藝文下

弄

二句用 師自撰楹帖中語酒痕襟上猶堪認曾醉西湖第一樓

芳菲佳節近天中金粉江南自不同縣戶香凝蘄艾綠

繞闌花放蜀葵紅偶過水榭諮禪悅

盧側爲心太平菴

好傍澣

潭理釣篷愧我卻隨雙鶴至自憐霜鬪太羶

適有餽師難

鶴一雙 師曰此雋品也今日喜與玉珊俱來



後序

歲在著雍僕來江甯全椒薛先生館之惜陰書院其明年子鵬亦至書院在盩山之麓春秋致佳不廢游歷山委宛凡十許里足跡所至窮極幽渺嘗日暮竄叢莽中迷不得出子鵬實導之閒陟曾巘斬絕數仞子鵬則翼而下又或相對杯酒坐語蒼茫忽歌忽喟忽大噓輒恨古人不與也如是者一年僕遷城南偏後二年子鵬亦去閒謁先生山中而輓迹參商欲如昔者之游邈不復得先生嘗屬志之僕忽忽未能任子鵬乃甄采前載舊盩山志

卷八 後序

覈遺老以纂斯志權輿形執迄于大雅所述探蹟索隱無文不綜爲形勝祠廟園壑人物藝文凡五篇而僕敘之末簡其敘曰

吳楚所交厥惟建業西州蜿蜒乾莩坤翕有山曰盩以形而名割鍾一支底鎮石城龍蟠虎踞雄長南服紫髯規之倚魏角蜀下逮五季並宅於斯亦有棲遁登高賦詩湛湛青塘峩峩四望俯仰千祀得氣者王志形勝第

一

南陽天挺長沙人豪勳冠宙合異代不祧魯公典州志

在澤物安上東歸惟留一拂曠世相感湘鄉侯官雅道  
甄俗嘉謨濟艱旁及彼都一節之士遺烈所扇亦光來  
紀二仲祈報荔丹蕉黃招我士女由敖由房志祠廟第

二

絲絲神臬如輿而曠十步五步甲第相望中蓮屯難梓  
澤邱墟真想未遠以佃以漁僻廬冠斗勝友所會流水  
接軫小山承蓋秋陰春煦一詠一觴披榛孤往忽遺佩  
裳慨念昔賢棲屑蓬葆山中白雲于焉終老志園墅第

三

盜山志

卷八 後序

二

貞白不滓清如蛻蟬倚樓舒嘯松聲在天大曆稱詩朝  
陽一老魏博武人亦右文藻太僕風節方漢黨魁文則  
異之靳驂馬梅經師人師先後標映兩齋都講亦叶笙  
磬靜躁萬殊雅尚則同斯人可作吾其下風志人物第

四

蘭臺典書始次六藝後乃濫觴屑屑文字史繫鑿坏詩  
廣考槃不有篇什來者何觀藻雪襟靈模范山澤密爾  
自娛不名一格並世作者魚頡鳥盼上規漢京陵宋轅  
唐疇昔之游亦弄柔翰循省未終增我慙汗志藝文第

五

光緒九年歲次昭陽協洽孟陬金壇馮煦撰

盩山志

卷八 後序

三

光緒九年歲次昭陽協洽孟陬金壇馮煦撰

跋

桑根先生搆廬烏龍潭上亭館四敞山水方滋春秋多  
佳風日信美嘗於撰杖餘暇騷屑舊聞屬筆未簡用志  
崖畧而元煥方襪被江千濯襟漢上棹孤篷之風雨睠  
一髮之清涼忽忽征塵未卒業也洎歸讀顧君子鵬所  
葺盍山志甄綜鄉故踵仿圖經小泐澣於室坳聳岱華  
於眉睫夷惠百世風概起其懦頑洛陽一記園林繫乎  
興替陳留人物之志兼羅昔邈孟堅輿地之例不廢今  
風事以類分言匪指喻以視仲交箸錄繖嶺之蹟猶存

盍山志

卷八 跋

四

石亭云徂雙闕之青不改猥云專壑足媿前賢若夫滔  
滔天塹巖巖石頭荻渚江移桑田迹易事清謙於時平  
而後念家山於痛定以前碧草綠坡駐馬偉南陽之抱  
春流駛箭擊檝想中興之年瞻彼四望俯仰千禩懲往  
轍者固徹土之先籌怵遠謀者又索裘之殷鑒撫卷而  
作其有思乎

光緒九年孟春之月江甯甘元煥譔

桑根先生搆廬烏龍潭上亭館四敞山水方滋春秋多  
佳風日信美嘗於撰杖餘暇騷屑舊聞屬筆未簡用志  
崖畧而元煥方襪被江千濯襟漢上棹孤篷之風雨睠  
一髮之清涼忽忽征塵未卒業也洎歸讀顧君子鵬所  
葺盍山志甄綜鄉故踵仿圖經小泐澣於室坳聳岱華  
於眉睫夷惠百世風概起其懦頑洛陽一記園林繫乎  
興替陳留人物之志兼羅昔邈孟堅輿地之例不廢今  
風事以類分言匪指喻以視仲交箸錄繖嶺之蹟猶存

跋

